

卷八

書名 文潞公文集四十卷 嘉靖五年高陵呂氏刊本
 撰者 宋 文彥博 撰，明 呂柟 校
 卷 卷八
 內容分類 集 別集 北宋
 索書號 集部 別集 3 28
 編號 D7220100

彩色首頁1

東洋文化研究所漢籍目錄 編號: D7220100

東洋文化研究所漢籍目錄所藏漢籍善本全文影像資料庫 索書號: 集部 別集 3 28

漢籍善本全文影像資料庫本文潞公文集四十卷 嘉靖五年高陵呂氏刊本

版權所有: 東京大學 東洋文化研究所

使用上的注意事項

文潞公文集卷第一

古賦

聖駕幸太學賦并序

帝乃備法駕幸于太學詔諸儒博士講論前典親
 聽焉臣獲逢休吉之期恭聞偉盛之事舞蹈不足
 於賦誄誠不能述宣上德褒讚形容姑第樵夫之
 不協擊轅之韻爾詞曰
 受命之四葉皇上御極之三年九有成若六合
 黎庶踏于壽域文教燭乎永天朝無闕政野無

院學化文方東 第
No. 8656 册



0 1 2 3 4 5 6 7 8 9 20 1 2 3 4 5 6 7 8 9 3



文潞公文集卷第八

挽詞

慈聖皇太后挽詞

仁皇當宁久聖后配天崇厚德符坤象先朝定震宮
尊榮三代禮擁佑兩朝功徽範并慈訓皆留信史中
聖孝攀慈範神遊翼少留重明緣積慶陰德在貽謀
制服從恩重因山變禮優白雲何處去雪涕望嵩丘
揄輶漸出金門遠蘭膳深悲玉座空奕葉舜華推至
孝前朝文母繼清風栢城鬱鬱依嵩北石闕隆隆鎮
洛東白髮老臣何以報日期西去掃山宮

慈宗皇帝挽詞

乾德符亨會天飛出慶寧繼明光五葉啓聖協千齡
方保瑤圖永俄悲玉殿青定知遷寶坐還集太微庭
厥初丕命集成慶長君賢恭儉敦堯德憂勤損舜年
象耕蒼野地龍御鼎湖天帝錫宣英號鴻休耀信編
在隱推龍德重明協帝華蓂蕭均澤及四海龍威加
就日心方均騰天馭已賒攀髯不可跋淚目送雲霞

樸安懿王夫人挽詞

令淑王藩表忍榮代邸尊篤生為聖嗣善述在神孫
吉兆馬竄真歸縹濮園賓天雖日遠國本自靈源

昔重間平樂中推輔佐功德容咸有裕善慶果無窮
以義情雖奪於親禮更崇洛郊春向晚薤挽變淒風

神宗皇帝挽詞

千齡逢聖旦六葉嗣昌辰睿智天攸縱章程日又新
車書通絕域雨露洽殊鄰民罄華封祝帝思蒼野巡
龍髯攀不及鳳翼附無因望斷喬山路憂深杞國人
含生蒙舜德率土被堯仁罔極何由報徒能損百身
元豐聖政洽隆平隘牘聯篇載頌聲皇武惟揚昭七
德帝華克協嚴重明喬山去日乘龍馭蒼野巡時見
象耕億兆臣民蒙澤久隕身思報一毫輕

老臣逢聖運受眷特優隆親禮超群后官儀極上公
皇慈矜舊物帝念錄微功一酌堯罇異臣致政後赴
親御酒量未退可飲盡玉音仍取御樽別酌一酸面諭云知
以勝三篇說命同臣受命判河南府蒙賜御詩一章
二章恩禮觀斯心期檢玉不意遂遺弓聲暨要荒外
哀纏普率中淒石門路慘淡拓城風血淚盈襟隕
何由報昊穹

宣仁聖烈皇太后挽詞

九年四海被清暉瑞彩重輪照殿幃間日視朝親
食未明思政事宵衣存心爽務勞千慮決意真游厭

萬機下土顛顛望霄漢仙輿直指厚陵歸

老臣八十慙尸素掛了貂冠歸洛陽芝詔存臨優眷
注蒲輪促起預平章重辭禁幄猶如昨今迂靈輿益
自傷免策衰羸來鞏固臨風洒淚厚陵傍

故相國元憲宋公挽詞

天聖收群彥惟公獨出群兩朝推舊德一代仰高人
得位才康世逢時道佐君云胡天下憇撫几悼勲勤
念昔為寮契周旋一紀餘佐時君望重謀國我才踈
霧露常蒙潤陽秋每借虛忽焉傷殄瘁隕淚蒲襟裾
名遂營身退高風近古稀台司脫屣去空土掛冠歸

仁壽宜難老朝陽歎易晞宸篇學丘禱恩耀賁泉扉

故宣徽惠穆呂公挽詞二首

公弼

奕世韋平族經時管葛才蒼生方仰望大厦忽傾頽
不憚皇情悼如仁士論哀刑山赴真宅應見國僑來
蚤預朋從談燕熟晚陪樞筦歲時多心如金石堅無
改聲侶墳篋久更和丹鳳臨池猶未浴白駒逢隙已
先過相門餘慶簪纓盛繼述皆同藪與籩

故尚書懿敏王公挽詞二首

盛德三槐舊論文二紀深帝聰聞曳履人望在為霖
沒世猶齋志康時未稱心孤懷傷歿瘁清淚滿衣襟

上臺三品位非輕秘殿論思職更清頻倚壯猷為屏
翰合從僉議秉鈞衡頽然處順君無恒慟矣懷賢我
有情不獨九原埋寶主人琴從此絕遺聲

尚書令魏國忠憲韓公挽詞一首

平生投分比金蘭莫逆論心最歲寒唱第楓宸陪驥
尾秉鈞槐府並貂冠潘陽事契常脩睦相魏親鄰正
講歡水井臺邊星隕後公薨之前夕大星殞於府第百身何贖但

灑時留守魏都
韓守相州

出入三朝共周旋四紀同論文最知我經世獨推公
觀水驚川逝升堂失棟隆悲懷與聲淚遠寄緇謳中

中書令魯國宣靖魯公挽詞公亮四首

三朝輔翊秉鴻鈞功在旂常澤在民黃石授來為帝
傳赤松遊去保天真達生優享高年福出世輕遺大
夢身自古陘山多吉宅國僑裴令繼芳塵

二府陪游垂二紀服公哲範每思齊留心舊典皆馴
致從事新書悉順稽言發清風常穆若心停止水更
淵兮先朝付囑非無謂必為其仁在放麇

龜蒙感土世傳榮猶倚耆英卿及見伯禽親拜
後方知遺愛在元成

穆穆罷朝嗟不憇衝衝停市歎如仁生芻絮酒難親

致旌曲書成淚滿巾

王太師挽詞

賢書蚤入英雄數冠歲高馳買馬聲一紀玉堂司大
筆兩朝金鼎主和羹天邊遽失騎箕象川上猶思用
楫名欲識聖恩優異處密章重疊責佳城

去春解組遂西征曾辱都門出餞行席上詩成光退
跡樽中酒滿叙離情經年方歎音容隔此日俄驚柱
石傾羸老不能親引臨風洒淚濕襟纓

司馬溫公挽詞四首

莫逆論文司馬文君心知我我知君同謀同道殊無

間一死一生今遂分八十衰翁如槁木一千餘日是
殘曠前途若有相逢處尚以英靈解世紛公賚志而
沒猶不忘

利澤生民
心在玉室

留滯周南十五年成書奏牘過三千東山方起為霖
雨大厦俄傾歎逝川密有忠言如藥石別加優禮賜
貂蟬兩宮痛■皆臨奠祗為臯夔志未宣

昔有御賢楊道州亦聞比近有松楸新阡便合關三
徑同氣相求好並游

傳巖舊跡今猶在兼與安平祖廟鄰賢相裔孫還卜
宅先疇吉土是歸真

司馬贈太傅康國韓公挽詞三首

朝路相從三紀餘更陪國論對鈞樞康時遠術推賢
業造膝嘉猷協帝俞盤結方資庖刃解旱乾猶望傳
霖蘇寢門遽有人琴歎老伴凋零道轉孤

洛城曾與公相別已為人生老別難今作緇謳成永
訣滿襟悲淚轉沈瀾別此三年公赴北都餞於上東
門愚嘗有詩云樽前不制淚沈

關大抵人情
老別難之句

西豪居在許東偏丹旄遙

許田欲問相君真宅

慶高平吉地是新阡此公家始卜葬地問放野人
是吉地吉乃野人之名

中書侍郎傅公挽詞三首

友會朋情二紀餘金蘭投分更無殊鳳池晚接經邦
論龍陛晨陪步武趨起副民瞻方荷賴用為霖雨待
昭蘇如何奄忽公先逝自歎靈光老益孤

賢業雖長命不融從來此恨古今同為霖作礪君家
事未盡舒張數已窮

常愛龍潭龜島上移床醉臥綠髯中茂林脩竹皆如

舊惟歎人琴遂一空昔與欽之飲於齊上泉石之間
有小島如龜形令拙碧沙如線

然

致政仲損工部哀調二首

自昔朋游今五紀斷金連璧附英翹學通經史蒙三

益心類松筠見久要白首即潛甘寂寞清時吏隱甚
逍遙年逾九九誠無憊惟歎人亡與道消

金蘭取友務端良仲損於余極久長蚤歲傾懷論管
鮑晚年脩好結潘陽人琴忽起芝焚歎蕭鼓俄隨薤
挽傷不到寢門親一慟臨風老淚獨浪浪

太尉韓國文忠富公哀詞

蚤擅才名重天資德望崇大勲緣定策義利在和戎
一代推人傑三朝倚棟隆音容雖已矣永譽更無窮
鼂董經邦策臯夔濟世賢頻堅桂冠請未及縱心年
蚤遂赤松伴晚參黃蘗禪懸車垂一紀築室冠三川

瀟洒山中相優游地上仙尊兼壽考五福在公全
我愧才無取公常問不能白麻曾並命黃閣遂同升
調燮彞倫叙將明庶績凝如仁今奄忽昭代失良肱
去年春作者英會一坐簪紳仰與刑今日共嗟天不
憖惟瞻英範在丹青
達官定知無恒化常情未免愴離魂山土厚雖埋
玉遺烈餘芬萬古存

故開府太師王公挽詞君太子太師

蚤歲馳聲猶未冠錦標獨得冠詞林四朝出處身名
泰五紀游從事契深天聖中予與君居守北郊依舊

德退休西洛負初心白龍泉青鳥北引緋悲謳淚

滿襟熙寧中君貶守洛留余會飲於雙桂樓親

昔年過洛赴三城華髮青雲叙故情今日人琴俱已

矣猶傳樂府沁園聲

天聖年中始得朋後陪孟洛兩交承此亦君既歌追

思往事渾如夢老淚如傾自不勝後已北

前歲公圖歸洛中待君同賞狀元紅人間萬事難如

意須把興亡付壞空君公思歸洛余嘗有詩寄之

賞狀元紅更

楚正議建中挽詞三章元祐五年九月

出處交游五十春洛城晚歲卜親鄰東齋錦襪清談
處今日重來淚滿襟

大抵神存體不留萬安



下宅松楸平生燕集歌懽

友伯壽應同泉下游

正叙新阡與
劉伯壽鄰

每讀龜書鴻範篇人間五福是高年九九雖無
憊散盡耆英我屹然

文路公文集卷第八

文路公文集卷第九

論

序賓以賢論

前志曰六經之道同歸禮樂之用為急施於國不可
斯瀆而忘用於身不可造次而闕忘之則紊上下之
序闕之則乖孝弟之風聖人知其然也乃曲為之禮
事為之防既養老於太學仍校年於天下所以揉民
於孝弟習俗於醇厚者矣故五帝憲德載之惇史三
王乞言詳於先籍是知年之貴於天下也久矣古之
盛王未有遺年者焉而饗禮燕禮節文尚踈上庠下